

Maturanti OŠ "Aleksa Šantić"



Svjetlost sunca



List učenika i nastavnika OŠ "Aleksa Šantić"

MAJ 2023. GODINE, 36. BROJ

POZDRAVNA RIJEĆ

Upućujemo sručan pozdrav svim učenicima, nastavnicima, uposlenicima i saradnicima škole i sa zadovoljstvom predstavljamo 36. broj školskog lista *Svetlost sunca*.

Da bismo prikazali sve aktivnosti, uspjehe i postignuća koja su učenici i uposlenici škole ostvarili zajedničkim trudom i zalaganjem u školskoj 2022/23. godini, potrebno nam je mnogo više strana nego što ih ima naš školski list *Svetlost sunca*.

Nadamo se da ćete uživati čitajući sadržaje koje smo odabrali i priredili za vas jer nam je cilj da vas na objektivan i odgovoran način informišemo o životu i radu u našoj školi.

Nastojimo da svaki naredni broj bude bolji i interesantniji, a u tome nam mogu pomoći vaše pozitivne i negativne kritike, kao i prijedlozi i sugestije.

Bilo bi nam drago da nam se pridružite!

REDAKCIJA

VIZIJA ŠKOLE

- Svako dijete ima pravo na kvalitetno obrazovanje
- Škola koja je otvorena za svu djecu i pruža im jednaka prava i mogućnosti obrazovanja
- Škola koja podržava kreativnost i maštovitost učenika, te uvažava njihova mišljenja

www.osas.edu.ba

SADRŽAJ

| | |
|--|-------|
| • POZDRAVNA RIJEĆ I SADRŽAJ | 2 |
| • RAZGOVOR SA DIREKTORICOM ŠKOLE..... | 3 |
| • RAZGOVOR SA POMOĆNICOM DIREKTORICE..... | 4 |
| RAZGOVOR SA PSIHOLOGINJOM ŠKOLE..... | 5 |
| • OTVORENO PRVO EKOIGRALIŠTE, SVEČANI PRIJEM PRVAČIĆA, MANIFESTACIJA „PRVAČIĆI, SRETNO!“..... | 6 |
| • MEĐUNARODNI DAN PISMENOSTI, DONACIJA KNJIGA, PLANINARSKE SPORTSKE IGRE..... | 7 |
| ZAVRŠNA KONFERENCIJA „MEDIJSKA I INFORMACIJSKA PISMENOST“, SUPER EKOŠKOLA, POSJETA MUZEJU..... | 8 |
| POSJETA RATNOM MUZEJU, POSJETA ČLANOVA DJEĆIJEG PARLAMENTA, SPORTSKE IGRE MLADIH | 9 |
| • OKTOBAR-MJESEC KNJIGE, DJEĆIJA NEDJELJA, IZLET NA BJELAŠNICU..... | 10 |
| • POSJETA SAJMU KNJIGA, ŠKOLA PLANINARSTVA, DAN MZ „OLIMPIJSKO SELO“..... | 11 |
| • SVJETSKI DAN POEZIJE I PRVI DAN PROLJEĆA, SVJETSKI DAN DJEĆIJE KNJIŽEVNOSTI..... | 12 |
| • ALIJAV KUTAK, DAN SJЕĆANJA NA NAŠEG ALIJA BEĆIĆA..... | 13 |
| • POBJEDNICI NA MEĐUNARODNOM TAKMIČENJU DANUBE ART MASTER, ZAVRŠNA CEREMONIJA DANUBE ART MASTER 2022..... | 14 |
| • SID2023 „ZAJEDNO ZA BOLJI INTERNET“, ZIMSKO PLANINARENJE, TERENSKA NASTAVA..... | 15 |
| • MALI I VELIKI KREATIVCI..... | 16-17 |
| • DAN RUŽIČASTIH MAJICA, DAN MATERNJEG JEZIKA..... | 18 |
| • DAN NEZAVISNOSTI BIH I DAN MZ „SARAJ-POLJE“, POBJEDNICE TAKMIČENJA DAM2022 U POSJETI MINISTARSTVU VANJESKE TRGOVINE I EKONOMSKIH ODNOSA BIH..... | 19 |
| • POSJETA HIDROMETEOROLOŠKOM ZAVODU BIH, ZAVRŠNA KONFERENCIJA „MISLI O PRIRODI“, HOUРЕ OF CODE – SAT KODIRANJA..... | 20 |
| • DRUGI KOORDINACIJSKI SASTANAK, VOLONTIRANJE JE COOL..... | 21 |
| • DJEĆIJI PARLAMENT, DAN OTVORENIH VRATA OS BIH..... | 22 |
| • UREĐENJE ŠKOLSKOG DVORIŠTA, PRUŽIMO RUKU JEDNI DRUGIMA, DABAR INFORMATIČAR..... | 23 |
| • LIKOVNI IZLOG..... | 24-25 |
| • POSJETA POZORIŠTU MLADIH, SVJETSKI DAN ČIŠĆENJA, ČIST VAZDUH – ZDRAV ŽIVOT..... | 26 |
| • USPJESI NAŠIH UČENIKA..... | 27 |
| • ZABAVNA STRANA..... | 28-29 |
| • REDAKCIJA ŠKOLSKOG LISTA, PREDSTAVLJANJE MURANATA..... | 30 |
| • PREDSTAVLJANJE MURANATA | 31-32 |

Maturanti OŠ "Aleksa Šantić"



Redakcija školskog lista Svjetlost sunca

U Osnovnoj školi „Aleksa Šantić“ postoji preko 40 različitih sekcija, odnosno različitih vidova vannastavnih aktivnosti kroz koje učenici, pored redovne nastave, realiziraju svoja interesovanja i sposobnosti. Jedan od načina da se ostvari vizija škole da svako dijete ima pravo i priliku na kvalitetno obrazovanje je i uključivanje svih učenika u vannastavne aktivnosti.

Učešćem u aktivnostima Novinarske sekcije učenici imaju priliku da pokažu svoje afinitete, sklonosti i interesovanja, kao i da predstave život i rad škole. Različite aktivnosti svih sekcija svakodnevno oplemenjuju školski prostor, čine ga ljepšim i ugodnijim za boravak i prožete su dječjom pozitivnom energijom, čistim emocijama, maštom i vedrinom. Pored nastojanja i želje da se obuhvate mnogobrojne aktivnosti, uspjesi i postignuća učenika i nastavnika, broj stranica školskog lista ograničava članove Novinarske sekcije da ih sve predstave. Ta činjenica ne umanjuje njihovu vrijednost i doprinos u ostvarivanju misije i vizije škole.

Maturanti OŠ "Aleksa Šantić"



Razgovor sa direktoricom škole

⊕ Prije svega želimo da Vas pozdravimo i da se zahvalimo što ste odvojili vrijeme za razgovor s nama.

Prije nego što ste postali direktorica nase škole, raditi ste dugo godina kao učiteljica. Možete li nam reći koji posao Vas više ispunjava i koji posao za Vas predstavlja veci izazov. Koje su prednosti, a koji nedostaci?

Direktorica Amina Delić-Zimić: Biti učiteljica, tu ste najviše vezani za jedan razred, odnosno, jedan aktiv. Vi znate da sam ja dugo godina, 20 godina radila od prvog do četvrtog, pa sam četiri godine zaredom bila u petom razredu. Na poziciji direktorice škole sam godinu dana. Ovo je jako zahtjevan posao, ali nekako kad posmatrate odozgo sve razrede, ovo je druga perspektiva, drugi su neki ciljevi, drugi motivi. Znate kad ste bili učitelj šta nije valjalo, koliko je nedostajalo, šta je bolje u nastavi, da tu bude projektor, da tu bude fini plakat, da imamo koji dinar da odemo negdje, da posjetimo muzeje, da posjetimo planine. Jednostavno sa ove pozicije mogu se napraviti pozitivni pomaci koji će učiniti da svi na kvalitetniji način realizujemo i pratimo nastavu. U školskom dvorištu konstantno se nešto uređuje, popravlja, mijenja. Važan dio tog dvorišta je i Alijev kutak koji stvarno izaziva u srcu tugu i čuva uspomenu na našeg dragog Alija.

⊕ Gdje nalazite motiv i inspiraciju da budete aktivni i posvećeni općem dobru škole?

Direktorica Amina Delić-Zimić: Kad god vidim osmijeh djeteta, to mi je dodatni motiv i inspiracija. Mnogo mi znači kad prođem hodnikom i sretnim nasmijana dječija lica.

⊕ Kako gledate na rezultate i uspjehe učenika i nastavnika u toku školske godine?

Direktorica Amina Delić-Zimić: Trudimo se zajednički da to budu dobri rezultati. Svaki učenički uspjeh me oduševi, dijelimo to na društvenim mrežama, na web stranici škole. Naši učenici postižu uspjehe iz različitih predmeta i oblasti, odlični su u sportskim takmičenjima i ja sam izuzetno ponosna na sve njihove uspjehe.

⊕ Koji su planovi i aktivnosti koje želite ostvariti kad je u pitanju OŠ "Aleksa Šantić"?

Direktorica Amina Delić-Zimić: Na početku školske godine smo imali nekoliko popravaka, na ulazu su postavljene nove pločice, izvršene su popravke na krovovima koji su prokišnjivali. Sad nam je u planu dogradnja škole. Zbog velikog broja učenika koji pohađaju našu školu, iskazala se potreba izgradnje nove fiskulturne sale za učenike od I do IV razreda koja će biti spojena sa vanjskom površinom za sport. Postojeću salu koju će koristiti učenici od V do IX razreda ćemo dodatno opremiti spravama. Sad je u toku nabavljanje urbanističke saglasnosti.

⊕ Svi učenici vide uzor u nastavnicima i određenim ličnostima. Ko je bio Vaš uzor tokom školovanja i da li i danas imate nekog na koga se ugledate?

Direktorica Amina Delić-Zimić: Veliki uticaj na mene imala je učiteljica Hatidža koja je još uvijek živa. Odemo joj u posjetu, stanuje na Ilijadži. Ode nas pet školskih drugarica iz osnovne škole, ona se oduševi, naravno. U januaru joj je rođendan, trudimo se da, ako ne na taj datum, onda za par dana, da je posjetimo. Imala jednu nastavnici bosanskog jezika – Senu Hadžišabanović, divna žena koja je nas učila, ustvari, podsticala da pristojno govorimo, oblačimo se. Sve sto je u skladu sa odrastanjem: solidna šminka, ako su nokti nalakirani da to bude providni lak, pristojno odijevanje u skladu sa učenjem i sa školom, školskim aktivnostima. U našoj školi to su bili nastavnica Rasija i nastavnica matematike Muruveta, malo stroga, ali dobra. Ja najviše volim matematiku, to vi znate, nekako saradnja sa nastavnicom Muruvetom i sa ostalim kolegicama je nešto što vam pomogne da karijeru gradite na kvalitetan način.

⊕ Za kraj našeg razgovora želimo da Vam se zahvalimo što ste nas ljubazno ugostili, izdvojili vrijeme za nas i dali odgovore na naša pitanja. Šta biste poručili učenicima naše škole?

Direktorica Amina Delić-Zimić: Učenicima naše škole bih poručila da uče, rade, ali i da nađu momenat za zabavu, druženje, za izlazak, za razgovor, što češće razgovor uživo jer koliko god mi voljeli poruke, dopisivanja, slikanja itd. nekako smo oštećeni ako nemamo kretanja, ako nemamo fizičku aktivnost. Kad se gledamo u oči sa dragim ljudima, tad možemo pročitati emociju, u telefonu, mobitelu nema emocije, nema druženja i onog istinskog srca. Zato je potrebno mnogo učiti, raditi i čitati, ali i naći vremena za druženje, odlazak u kino, na neke manifestacije koje su za nas značajne, koje nam život znače.

Pripremile: Alejna Nebić, VIII-2 i Emina Mahmutović, VII-1



RAZGOVOR SA POMOĆNICOM DIREKTORICE



Članice Novinarske sekcije su razgovarale sa Mirsadom Memić, pomoćnicom direktorice.

Prije svega želimo da Vas pozdravimo i da Vam se zahvalimo što ste odvojili vrijeme za razgovor s nama.

- *Koliko dugo ste na poziciji pomoćnice direktorice?*

Prije svega želim da Vam se zahvalim i pozdravim sve čitatelje našeg školskog lista. Prije preuzimanja ove funkcije u našoj školi radila sam kao nastavnik geografije i građanskog obrazovanja. Na poziciji pomoćnice direktora sam od 6. septembra tekuće godine, što znači nešto više od tri mjeseca.

- *Šta podrazumijeva posao pomoćnice direktorice?*

Posao pomoćnice direktora je raznovrstan posao. Podrazumijeva koncipiranje i izradu programa rada škole i organizaciju odgojno-

obrazovnog procesa. Pomoćnik svakodnevno surađuje sa nastavnicima, roditeljima i učenicima naše škole. Razgovara sa učenicima i roditeljima u vezi sa sekundarnim problemima učenika vezanih za svakodnevni život i rad u školi. Kontinuirano surađuje sa nastavnicima, pedagogom, psihologom, socijalnom radnikom i bibliotekarom s ciljem unapređenja odgojno – obrazovnog sistema u našoj školi. Izrađuje studijsko – analitičke zadatke s ciljem da se unaprijedi odgojno- obrazovni proces, zajedno s direktoricom naše škole sarađuje sa donatorima i humanitarnim organizacijama, planira i organizuje saradnju sa društvenom zajednicom, kao i ostale poslove po nalogu direktorice naše škole.

- *Koliko je zahtjevna uloga pomoćnice i koliko u sebi nosi odgovornosti?*

Ova pozicija za mene predstavlja izazov, ali i veliku odgovornost. U stalnom sam kontaktu s učenicima, roditeljima i nastavnicima. Za sve postoji isti cilj, da se u našoj školi svi osjećamo sretni i zadovoljni. Svi uposlenici naše škole, pa tako i ja želimo da naši učenici dolaze u školu sretni, da školu posmatraju kao pozitivnu sredinu u kojoj će sticati nova poznanstva, nove drugove i nova znanja.

- *Prije nego što ste postali pomoćnica, radili ste kao nastavnica. Možete li uporediti te dvije uloge?*

Rad sa djecom predstavlja veliki izazov. Iako nisam trenutno direktno u kontaktu s učenicima u učionici kako bih im prenijela svoje znanje, iskustvo i pažnju, sarađnja s učenicima se i dalje nastavlja. Na ovaj način mogu posvetiti više vremena učenicima kako bih im pomogla u rješavanju određenih problema.

- *Učenici vam se često obraćaju za pomoć. Da li je to jedan od većih izazova Vašeg posla?*
- Sretna sam kada se učenici obrate za pomoć jer mi je pokazatelj da naši učenici vjeruju u nas i da nas smatraju osobama od povjerenja. Svi uposlenici naše škole su tu da pomognu učenicima kako u usvajanju znanja tako i u rješavanju trenutnih problema.

- *Šta biste, za kraj, poručili učenicima naše škole?*

Naučite da imate strpljenja i tolerancije. Budite vrijedni i odgovorni i rezultati će sigurno doći. Kako je rekao Hamilon Holt "Ništa što je vrijedno ne dolazi na brzinu. Rad, konstantan i marljiv rad je jedini način da se dođe do rezultata koji će trajati."


Vjerujte u sebe!

Pripremile:
Ema Pitić, VII-1
Merjema Mujić, VII-1


ZABAVNA STRANA



**Mene SRECA
PRATI CITAV
ZIVOT, AL'
NIKAKO DA me
STIGNE!**



- Jesi li ikad pazio na ishranu?
- Jesam, pazio sam da ne ostanem gladan!



ZABAVNA STRANA



Od koje si planirao prepisivati

Kako okupiti ukućane na jednom mestu u kući? - Isključi ruter i sačekaš pored njega.



RAZGOVOR SA PSIHOLOGINJOM ŠKOLE

Članovi Novinarske sekcije su razgovarali sa Biserom Mavrić, psihologinjom u našoj školi.

- Koliko dugo radite kao psiholog?

Imam 13 godina radnog iskustva, a kao psiholog radim 7 godina. Rad sa djecom predstavlja moju najveću ljubav. Psihologijom sam se bavila i kao profesor psihologije i stručnjak u oblasti ljudskih potencijala.

- Koje poslove obavlja psiholog u školi?

Školski psiholog je stručnjak koji se bavi problematikom vezanom za školu i sistem obrazovanja. Psiholog putem razgovora, a koristeći psihološke metode i tehnike saznaće vrijedne informacije o postojećem problemu. Nakon identifikacije problema odabiraju se najbolje metode za rješavanje problema. Sljedeći korak jeste primjena metoda. U direktnom radu bavi se psihološkim savjetovanjem. Pored toga psiholog radi na psihološkim programima prevencije i podrške koji obuhvataju: Identifikaciju prepreka za adekvatnu realizaciju plana škole, izradu i realizaciju psihosocijalnih programa za učenike sa rizikom, izradu i realizaciju psihosocijalnih programa za nastavnike, za roditelje a u vezi sa agresivnim, destruktivnim i nasilnim ponašanjima učenika. Psiholog učestvuje i u izradi strategija za efikasniju i uspješniju realizaciju planova i programa obrazovanja i vaspitanja, izrada programa prevencije svih vidova socijalne patologije među učenicima, izradi programa za pomoći djeci sa poremećajima koncentracije i pažnje. Također, učestvuje u izradi i provedbi programa edukacije na teme: tehničke održavanja discipline u razredu, strategije učenja, nasilje u školi, emocionalna podrška učenicima u riziku, saradnja sa porodicom. Školski psiholog surađuje i sa Mobilnim timom za podršku Inkluzivnom Obrazovanju Kantona Sarajevo.

- Koja je uloga psihologa u školi?

Uloga psihologa u školi je značajna prvenstveno zbog pomoći i podrške koju psiholog pruža učenicima, ali on u isto vrijeme radi i sa roditeljima i nastavnicima. Član je stručnog tima škole kojeg čine pedagog, psiholog i socijalni radnik. Kao tim trudimo se odgovoriti izazovima sa kojima se svakodnevno susrećemo. Kreiramo psihološke programe prevencije i podrške, učestvujemo u izradi programa edukacije, profesionalne orientacije, itd. uvijek u najboljem interesu djeteta. Također, kao tim surađujemo sa stručnim institucijama i Mobilnim timom za podršku Inkluzivnom obrazovanju KS. Posao psihologa u školi, osim navedenog, obuhvata i intervencije i psihološku pomoć, konsultacije bazirane na psihološkim temeljima učenja i ponašanja, usmjeravanje i razvoj učenika, podršku i afirmaciju kreativnosti učenika, rad na konstrukciji optimalnih metoda evaluacije uspjeha učenika u školi i sl.

- Koliko je zahtjevna uloga psihologa i koliko u sebi nosi odgovornosti ?

Uloga psihologa u školi je takođe zahtjevna i veoma odgovorna. Svaki razvojni stadij nosi određene promjene u učenju i ponašanju učenika. Razumijevanje tih promjena, prilagođavanje strategija rada psihološkom stanju učenika umnogome olakšava rad nastavnika. Školski psiholog učestvuje u procjeni psihofizičkog statusa djece od upisa do završetka osnovne škole, timskoj procjeni za određivanje primjerenog oblika školovanja, u postupcima identifikacije, poticanja i praćenja nadarenih učenika i u psihološkim kriznim intervencijama.

- Da li vam se učenici mogu sami obratiti za pomoći i u kojim situacijama ?

Da, naravno. Psiholog je u školi zaposlen jer je profesija psihologa bitna za primjenu psiholoških osnova u programima obrazovanja i vaspitanja. Mnoga djeca se s vremenom na vrijeme suočavaju sa strahom od škole, lošim uspjehom, lošim raspoloženjem vezanim za školu ili obaveze koje škola zahtijeva, razvodom roditelja, bolesti ili smrti nekog od ukućana ili osjećanjem potištenosti. Ponekad osjećaju nesigurnost ili imaju lošu percepciju o vlastitom tijelu i razvoju i sl. Iako smo u osnovnoj školi, dešavaju se i slučajevi uzimanja alkohola ili nakrotika, a neki učenici pokazuju samopovređujuće ponašanja i ili čak i suicidalne misli. Bez obzira što je saradnja sa roditeljima vrlo važna, kada su u pitanju situacije u kojima je mentalno zdravlje učenika ugroženo i može predstavljati rizik za samog učenika ili druge sudionike odgojno-obrazovnog procesa, učenik psihologu uvjek može doći sam bez ičije preporuke ili bilo čijeg odobrenja.

- Da li djeca vole razgovarati sa psihologom ?

Da. Bez obzira na to koliko je teška situacija ili problem sa kojim se suočavaju, iz kancelarije psihologa učenici izađu sa osmijehom i uvijek se opet rado vraćaju (čak i kada to nije neophodno). Postoje mnoge zablude o odlasku kod psihologa: da sa vama nešto nije uredu, da ste nešto skrivili, da ne znate riješiti svoje probleme i sl. Ništa od toga nije tačno. Psiholog radi sa zdravim ljudima i djecom koji imaju obične životne probleme. Učenici ne idu psihologu zato što su nešto skrivili, nego da im psiholog pomogne da poboljšaju svoje učenje, komunikaciju i odnose sa roditeljima, nastavnicima, drugim učenicima, da se riješe nekih teških osjećanja, da odaberu dobru srednju školu i dr. Svaki problem se može riješiti, samo moramo biti uporni i strpljivi.

- Za kraj našeg razgovora sta biste poručili učenicima naše škole ?

Razmišljajte pozitivno, budite ponosni na sebe i svaki dan se prisjetite na čemu sve možete biti zahvalni.

Pripremili: Sara vražalica, VIII-2 i Imad Čatović, VII-3



Otvoreno prvo ekoigralište

U dvorištu naše škole je 29. 8. 2022. god. otvoreno ekoigralište. Učenici će imati priliku da, pored igre, nauče osnovne principe zaštite životne sredine kroz reciklažu starih aparata ili ambalaže. Izgradnju igrališta pomogli su naši prijatelji ZEOS ekosistem d.o.o. i Eko Život d.o.o.



Svečani prijem prvačića

U sali za priredbe naše matične škole upriličen je 1. 9. 2022. god. svečani prijem prvačića. Prigodan program za svoje drugare pripremili su učenici II razreda, pokazujući na taj način koje vještine i sposobnosti su stekli.

U školskoj 2022/23. godini u našu školu je upisano 167 prvačića u sedam odjeljenja.



MANIFESTACIJA "PRVAČIĆI, SRETNO"

U organizaciji Općine Novi Grad 6. 9. 2022. godine u Centru "Safet Zajko" realizovana je manifestacija "PRVAČIĆI, SRETNO". Učenici su uživali u pripremljenom programu (ples i muzika, predstavljanju pisca Abdulaha Sidrana i posebno su se oduševili ruksacima i udžbenicima koje je obezbijedila Općina Novi Grad. Učenicima, učiteljicama i roditeljima se obratio načelnik Općine Novi Grad Semir Efendić i zaželio im sretan početak školske godine. Učiteljice prvih razreda: Ferida Brezac, Merima Mešić, Elvira Redžić, Admirna Trle, Emin Muminović, Danijela Krtalić i Enisa Kuduz bile su u pratnji naših prvačića i brinule se o njihovoј sigurnosti.



USPJESI NAŠIH UČENIKA

OPĆINSKO TAKMIČENJE IZ INFORMATIKE

U ponedjeljak, 13.03.2023. godine u OŠ „Aleksa Šantić“ je održano Općinsko takmičenje iz informatike za učenike osnovnih škola s područja Novog Grada. Na takmičenju je učestvovalo 45 učenika iz petnaest novogradskih osnovnih škola. Proglašenje pobjednika relizirano je istog dana u 13,00 sati. Učenici naše škole: Hena Ahmetspahić, Imad Džigal i Mak Čelan zauzeli su 3. mjesto.

Učenici su se na osnovu broja bodova plasirali na kantonalno takmičenje koje je održano 27. marta 2023. godine na Prirodnootomatičkom fakultetu u Sarajevu. Na Kantonalnom takmičenju učenici su se takmičili pojedinačno, a učestvovao je 51 učenik. Naši učenici su postigli sljedeće rezultate: 6. mjesto Mak Čelan, 17. mjesto Imad Džigal i 33. mjesto Hena Ahmetspahić.



OPĆINSKO I KNATONALNO TAKMIČENJE IZ FIZIKE

Na Općinskom takmičenju iz fizike za IX razred održanom 5. 4. 2023. godine naši učenici su postigli sljedeći uspjeh: Aida Džafić, (IX-2) 4 mjesto, Hena Ahmetspahić (IX-1) 7. mjesto i Eldar Herak (IX-5) 12. mjesto. Svi učenici će pristupiti Kantonalnom takmičenju koje se održava 19. 4. 2023. godine.

Na istom takmičenju iz fizike za VIII razred naši učenici postigli su sljedeći uspjeh: Imad Džigal 5. mjesto, Kerim Plećan 15. mjesto i Abdulah Bunar 32. mjesto.

Na Kantonalnom takmičenju iz fizike učenici IX razreda ostvarili su sljedeće rezultate: 4. mjesto i učešće na Federalnom takmičenju Aida Džafić (IX-2), 18. mjesto Eldar Herak (IX-5) i 28. mjesto Hena Ahmetspahić (IX-1).

KANTONALNO TAKMIČENJE IZ VJERONAUKE

Na Kantonalnom takmičenju iz vjeronauke održanom 3. 4. 2023. godine u Gazi Husrev-begovoj medresi naša učenica Ena Čustović (IX-3) osvojila je 10. mjesto.



OPĆINSKO TAKMIČENJE IZ PRVE POMOĆI

Članovi sekcije Prva pomoć su 18. 3. 2023. godine u organizaciji Crvenog križa Novi Grad učestvovali na Općinskom takmičenju iz prve pomoći i od 13 osnovnih škola učesnica osvojili su 6. mjesto.

KANTONALNO TAKMIČENJE IZ VJERONAUKE

Aleyna Nebić, učenica VIII-2, predstavljala je našu školu na Kantonalnom takmičenju iz vjeronauke i plasirala se na 29. mjesto. Takmičenje je održano 30. 3. 2023. godine u prostorijama Gazi Husrev-begove medrese.

Posjeta Pozorištu mladih

Učenici IV razreda posjetili Pozorište mladih i gledali predstavu Ježeva kućica u pratinji učiteljica Naide Gadžo, Sanele Polutak, Ajle Džubur, Sabine Vateš, Amne Brkan, Sanele Mulaosmanović i nastavnice Ehlimane Imamović.



Svjetski dan čišćenja

Učenici i uposlenici OŠ "Aleksa Šantić" su u periodu od 12. 09. do 16. 09. 2022. godine zajedno sa timom Let's Do It učestovali u akciji čišćenja u okviru obilježavanja Svjetskog dana čišćenja. Na taj način dali su svoj doprios ljepšoj i čistoj životnoj sredini. Učenici su zajedno sa svojim učiteljima/nastavnicima očistili školsko dvorište, naselja, zelene površine i parkinge u okolini škole. Svjetski dan čišćenja (World Clean Up Day) je ekološki pokret kojeg je svjetski Let's Do It tim započeo 2018. godine s ciljem da našu planetu očisti od otpada i podigne ekološku osviještenost njenih stanovnika. Do sada je ovaj pokret ujedinio aktiviste iz 180 zemalja, koji organizuju akcije čišćenja u septembru širom svijeta.




ČIST VAZDUH - ZDRAV ŽIVOT

U zgradi Ujedinjenih nacija BiH upriličena je ceremonija proglašenja pobjednika takmičenja u crtanju na temu „Čist vazduh – zdrav život“. U konkurenciji od 610 likovnih radova, učenici naše škole Dželila Bičević, Emel Keško, Hana Hasanić, Irma Mulavdić, Muhamed Karšić, Nadija Spahić i Sajra Kadrić osvojili su posebnu nagradu, a voditeljice Ekološke sekcije Sabina Karović i Amela Ahmethodović su nagrađene za mentorstvo. Naša škola je nagrađena „pametnom klupom“ za ukupan uspjeh i broj prijavljenih radova.



Međunarodni dan pismenosti

UNESCO je 17. novembra 1965. godine proglašio 8. septembar Međunarodnim danom pismenosti s ciljem da se istakne značaj pismenosti za pojedince, zajednice i društva. Svake godine na ovaj dan UNESCO podajeći međunarodnu zajednicu na status pismenosti i obrazovanje odraslih na globalnom nivou. Ovaj značajni datum obilježen je i u našoj školi. Na časovima Novinarske i Bibliotekarske sekcije, te na času bosanskog jezika i književnosti učenici VII razreda su kroz izradu likovnih i literarnih radova, plakata, prezentacija i razgovor sa nastavnicom bosanskog jezika i bibliotekarkom iznijeli svoje mišljenje o značaju opismenjavanja i istakli su da je to osnovno ljudsko pravo koje ne smije nikome biti uskraćeno.



Donacija knjiga

Mikrokreditna organizacija SUNRISE aktivno se uključila u unaređenje nastavnog procesa i obrazovanje mlađih te našu školsku biblioteku obogatila značajnim brojem naslova i lektira.

PLANINARSKE SPORTSKE IGRE

Članovi Planinarske sekcije u pratinji nastavnika Bege Muminovića su u subotu, 15. 10. 2022. godine bili na prvom izletu na Igmanu. Planinarska ruta je bila kratka. Na skretanju za Malo polje učenici su formirali kolonu na pomoćnom putu sa lijeve strane. Nakon formiranja kolona se kretala sigurnom, vidljivom stazom do skakaonice, gdje su imali priliku vidjeti devastirane skakaonice koje su 1984. godine bile centar odvijanja Olimpijskih igara. Nastavili su dalje do regionalne ceste za Hadžiće te travnatom stazom stigli do sletišta na Malom polju. Dužina staze kojom su se kretali planinari iznosila 1.780 metara. Cilj ovog izleta je bio i realizacija sportskih takmičenja. Učenici su imali priliku vidjeti i vježbu spašavanja unesrećenog planinara sa staze koju je realizovala Gorska služba spašavanja.



Završna konferencija "Medijska i informacijska pismenost"

Završna konferencija programa obuke Medijska i informacijska pismenost održana je 22. 10. 2022. godine u hibridnom formatu - na Fakultetu političkih nauka i potom ZOOM-a kojoj su prisustvovali nastavnici, bibliotekari i stručni saradnici OŠ „Aleksa Šantić“.



SUPER EKOŠKOLA




OŠ „Aleksa Šantić“ je prva Ekoškola u Bosni i Hercegovini. Status Ekoškole dobila je 2005. godine i 2010. godine. Zahvaljujući angažmanu učenika, roditelja/staratelja i uposlenika škole, treći put smo potvrdili status i dobili certifikat SUPER EKOŠKOLA. Certifikat potvrđuje da škola implementira najbolje prakse odgoja i obrazovanja za okoliš/ životnu sredinu. Škola je otvorena za saradnju, prepoznatljiva je po svom ekoangažmanu, kontinuirano promovira brigu o okolišu/životnoj sredini i kao takva je prepoznata u lokalnoj zajednici. Program Ekoškola u okviru projekta "Misli o prirodi!" implementira Centar za promociju civilnog društva (CPCD), a finansijski podržava Švedska. Centar za promociju civilnog društva je 20. 10. 2022. godine organizirao Okrugli sto o perspektivama Certifikacijskog mehanizma Ekoškola u Bosni i Hercegovini, naziva "Ko ne dozvoljava zeleno i sretno djetinjstvo u školama?", te dodijelio certifikate školama koje su uspješno implementirale metodologiju u okviru projekta. Tabla SUPER EKOŠKOLA postavljena je na vidno mjesto, pored ulaza u našu školu.

Posjeta muzeju

Učenici VIII razreda naše škole su u četvrtak, 20. 10. 2022. godine, u pratnji svojih nastavnika i razrednika, posjetili Olimpijski muzej i Svrzinu kuću. Učenici su uživali u čarima i stilu bosanske kuće i oživjeli duh Olimpijskih igara iz 1984. godine.



L i k o v n i n z i n g



POSJETA RATNOM MUZEJU

U čenici VII razreda su 13. 10. 2022. god. u pratnji koordinatorica Neire Čampara i Mirsade Memić posjetili Muzej ratnog djetinjstva. Učenici su učestvovali u edukativnoj radionici koju je predvodila edukatorica Mersiha Beganić. Cilj posjete Muzeju ratnog djetinjstva jeste da učenici upoznaju životne situacije kao i iskustva djece, a danas odraslih osoba, pomoću njihovih priča. Muzej ratnog djetinjstva našim učenicima je prikazao djetinjstvo pogodjeno oružanim sukobom i koncept poput otpornosti, kreativnosti, mašte i djelovanja. Naši učenici su to znali prepoznati i još jednom se predstaviti u najboljem svjetlu svojim ponašanjem i učestvovanjem.



POSJETA ČLANOVA DJEĆIJEG PARLAMENTA

Našu školu su 26. 10. 2022. posjetili članovi Dječijeg parlamenta Općine Novi Grad u pratnji gospođe Zehre Salman, voditelja programa Grad - Općina po mjeri djeteta. Domaćini su bili članovi Ekološke sekcije i pedagog - psiholog Marija Vajdec.



Cilj posjeta je bio upoznavanje sa aktivnostima naše Ekološke sekcije, ali i Dječijeg parlamenta. Uz prigodno druženje, dogovorene su zajedničke aktivnosti u narednom periodu.

SPORTSKE IGRE MLADIH

Učenici VII razreda učestvovali su u Sportskim igrama mladih BiH koje su organizovane 21. 3. 2023. godine u našoj školi. Pobjednici su bili učenici VII-1 odjeljenja koji su posadili drvo jabuke u školskom dvorištu.



OKTOBAR-MJESEC KNJIGE

Mjesec oktobar se obilježava kao mjesec knjige s ciljem promovisanja važnosti knjige, njene uloge u obrazovanju i izgradnji identiteta pojedinca, te njenog značaja u svakodnevnom životu. U našoj školi učenici zajedno sa bibliotekarkom, učiteljicama i nastavnicama tradicionalno obilježavaju Mjesec knjige različitim aktivnostima na redovnoj nastavi i vannastavnim aktivnostima. Učenici VII razreda i članovi Bibliotekarske i Novinarske sekcije to su učinili izradom plakata na osnovu pročitanih knjiga, te pisanjem literarnih radova čija je izložba upriličena ispred biblioteke.

Učenici III razreda su imali zadatak da osmisle i realizuju lutkarsku predstavu za svoje drugare. Osim toga, ovi vrijedni učenici su posjetili školsku biblioteku i na časovima sekcije Mali likovnjaci ilustrovali omiljenu knjigu. Ti likovni radovi su izloženi ispred učionica, te ih i ostali učenici mogu pogledati i dobiti inspiraciju da nešto slično i sami urade. Učenike IV razreda posjetila je učiteljica, književnica Elmira Mekić-Helač, a učenici su na književnom druženju imali zadatak da rade ilustraciju djela ove književnice.



DJEČIJA NEDJELJA

Pedagog-psiholog škole Marija Vajdec i predstavnici u Vijeću učenika od II do IV razreda su u saradnji sa članovima Bibliotekarske i Novinarske sekcije obilježili Dječiju nedjelju i Dan dječijih prava. Alejna Nebić i Abdulah Bunar, učenici VIII razreda i članovi Bibliotekarske i Novinarske sekcije, osmislili su i pripremili, te sa predstavnicima u Vijeću učenika zajedno realizirali interaktivnu radionicu pod nazivom „U svijetu pravde dječije“. Cilj ovih zajedničkih aktivnosti jeste podsjećanje i ukazivanje na obavezu poštivanja prava djece, kao i razvijanje i unapređenje čitalačkih navika kod učenika. Utiske, zaključke i iskustva sa radionice predstavnici u Vijeću učenika će podijeliti sa drugovima i drugaricama iz svog razreda.



IZLET NA BJELAŠNICU

Planinarski izlet na Bjelašnicu realizovan je 29. 10. 2022. god. Polazna tačka je bila skijalište Babin do gdje su se učesnici upoznali sa planinom Bjelašnicom, ZOI 84 te skijaškim stazama. Učesnicima je održano i predavanje na temu „Planinarstvo, definicija, podjela, kratak istorijat, etika“. Kolone su se kretale markiranim planinarskom stazom koja vodi kroz Stini do pa do Kuće spasa, gdje je organizovan odmor. Nakon toga održano je kraće predavanje o planinarskoj opremi pa je kolona išla na vrh Lisičija glava gdje je održano predavanje na temu „Bliža i daljnja orientacija sa mjestima na kojem se nalazimo“.



Uređenje školskog dvorišta

U dvorištu OŠ "Aleksa Šantić" ekipa KJKP Park istovremeno je radila jesenje uređenje i ozelenjavanje površina uz školsku zgradu. U školskom dvorištu urađeni su potrebni hortikulturni radovi, a poseban akcent je bio na obrezivanju i zaštiti krošnji postojećih stabala za zimski period. Školsko dvorište u školi "Aleksa Šantić" od danas je bogatije za još tri nova mlađa stabla. Postojeće cvjetne gredice uređene su, a zemljишte okopano i očišćeno od biootpada. Izvršena je od sadnja novog zelenila i to ukrasnog grmlja i trajnica. I površine uz OŠ "Aleksa Šantić" dobile su novo cvjetno ruho, dvogodišnje cvijeće iz Parkove vlastite rasadničke proizvodnje. Također, izvršena je i sjetva nove trave. Uređenje školskih dvorišta novim sadnicama i hortikuturnim radovima dio je posebnog Programa Vlade KS za unapređenje inkluzije u Kantonu Sarajevo. Radove na uređenju dvorišta vrtića, osnovnih i srednjih škola finansira Ministarstvo komunalne privrede, infrastrukture, prostornog uređenja, građenja i zaštite okoliša KS.



Pružimo ruku jedni drugima



Učenici V razreda naše škole, na časovima islamske vjeroulike, potaknuti nastavnom jedinicom *Allah, dž.š. voli da se pomažemo*, pripremili su paketiće iznenađenja za svoje školske drugare. Zahvaljujemo učenicima i roditeljima na velikoj podršci pri realizaciji ove aktivnosti. Naše je samo ono što damo.

DABAR INFORMATIČAR



Učenici naše škole su učestvovali u izazovu Dabar informatičar 2022. god. u periodu od 14. do 25. novembra. Osnovna ideja izazova je popularizacija informatike. Međunarodni izazov Dabar informatičar je namijenjen učenicima osnovnih i srednjih škola, a cilj muje da omogući učenicima da se zabave, nešto novo nauče i da pokažu sve svoje talente.

Dječiji parlament

Članovi Dječjeg parlamenta Općine Novi Grad Sarajevo, čijim radom koordinira Udruženje "Naša djeca" Sarajevo, predstavili su 17. 11. 2022. god. u multimedijalnoj sali Općine Novi Grad dio svojih aktivnosti koje su realizovali u 2022. godini. Član Dječjeg parlamenta, predstavnik naše škole Benjamin Šantić, bio je jedan od prezentatora informacija o stanju potreba i prava djece u njihovoj lokalnoj zajednici. Članovi sekcije naše škole Pjesma i ples učestvovali su u ovoj aktivnosti sa tačkom „Nije lako Bubamarcu“ koju su pripremili sa voditeljima sekcije Sanelom Polutak i Ajlom Džubur. Ovom događaju su prisustvovali članovi Vijeća učenika odjeljenja VII i IX razreda, direktorica škole Amina Delić-Zimić, pomoćnica direktorice Mirsada Memić i pedagog-psiholog škole Marija Vajdec.



POSJETA SAJMU KNJIGA

Učenici OŠ „Aleksa Šantić“, članovi Bibliotekarske i Novinarske sekcije posjetili su 12. 04. 2023. godine XXXIV Internacionalni sarajevski sajam knjiga i učila u Centru Skenderija. Učenici su bili u pratnji voditelja sekcija Indire Hadžihasanović i Amire Piknjač.



Dan otvorenih vrata OS BiH

U srijedu, 23. novembra učenici naše škole su u pratnji nastavnika Dine Glede i pomoćnice direktorice Mirsade Memić prisustvovali "Danu otvorenih vrata u povodu 17. godišnjice Oružanih snaga Bosne i Hercegovine" u Kasarni „Rajlovac“. Tom prilikom učenici su posjetili sve štandove i uz usmenu prezentaciju upoznali se sa dijelom vojne opreme, naoružanjem, obilježjima i činovima u oružanim snagama Bosne i Hercegovine.



Škola planinarstva

Učenici VII razreda naše škole su 17. 3. 2023. godine realizovali prvu fazu Škole planinarstva koju je organizovalo Ministarstvo odgoja i obrazovanja Kantona Sarajevo i Institut za razvoj preduniverzitetskog obrazovanja. Učenici su bili u pratnji razrednika, nastavnika tjelesnog i profesionalnih vodiča i uspjeli su ostvariti cilj – popeti se na Lisičiju glavu na Bjelašnici.



DAN MZ "OLIMPIJSKO SELO"



Učenici područne škole na Mojmilu su 17. 3. 2023. godine učestvovali u obilježavanju Dana Mjesne zajednice „Olimpijsko selo“. Nakon polaganja cvijeća na spomen-obilježje na Mojmilu i obraćanja predstavnika Mjesne zajednice i Općine Novi grad održana je prigodna priredba koju su pripremile učiteljice i učenici područne škole na Mojmilu.

SVJETSKI DAN POEZIJE I PRVI DAN PROLJEĆA – 21. 3.

Svjetski dan poezije obilježava se svake godine 21. marta. Cilj obilježavanja ovog datuma je promovisanje čitanja, pisanja, objavljivanja i poučavanja poezije širom svijeta. Svjetski dan poezije prilika je da se djeci dodatno predstavi poezija u učionicama. To je dan kad nastavnici maternjeg jezika promovišu teme povezane sa poezijom kroz koje učenici sami pišu pjesme, istražuju o pjesnicima i uče o različitim vrstama poezije. U našoj školi se tradicionalno obilježava ovaj datum. Članovi Bibliotekarske i Novinarske sekcije i učenici 7. razreda su pisali i recitovali svoje pjesme, a ispred biblioteke je upriličena i izložba njihovih radova. Recitovanje svojih i pjesama poznatih pjesnika učenicima 2. razreda bio je zadatak učenica 6. razreda Ilhane Ćatić, Sare Fako, Emine Dumanjić, Asje Dumanjić, Ume Ovčina i Irme Mulabdić, članica Bibliotekarske sekcije. Osim toga, one su sa učenicom VIII razreda Alejom Nebić upriličile i igrokaš kojim su, osim Dana poezije, obilježile i prvi dan proljeća. U kostimima ljubičica pozdravile su i dočekale proljeće pjesmom, plesom i recitacijama. Učenici II razreda bili su odlična publika koja je aktivno učestvovala u razgovoru o ovim značajnim datumima.



SVJETSKI DAN DJEČIJE KNJIŽEVNOSTI - 2. APRIL



Svjetski dan dječije književnosti obilježava se svake godine 2. aprila kako bi se ukazalo na važnost dječije književnosti te potaknula i razvila ljubav prema čitanju. Članovi Bibliotekarske i Novinarske sekcije su čitali bajke učenicima nižih razreda i s njima razgovarali o pročitanim djelima. Na taj način su istakli značaj čitanja razumijevanjem koje potiče i razvija maštu, obogaćuje rječnik i poboljšava usmeno i pismeno izražavanje.



DRUGI KOORDINACIJSKI SASTANAK



Na osnovu člana 18. Pravilnika o načinu i obliku provođenja odgojno-obrazovne podrške i stručnog tretmana i člana 6. Izmjena i dopuna Pravilnika o načinu i obliku provođenja odgojno-obrazovne podrške, naša škola je 29.11.2022. godine bila domaćin Drugog koordinacijskog sastanka Stručnih službi osnovnih škola općine Novi Grad, Centra za mentalno zdravlje Doma zdravlja Novi Grad, Službe socijalne zaštite općine Novi Grad i KJU „Porodično savjetovalište“. Osim o primjeni Pravilnika o načinu i obliku provođenja odgojno-obrazovne podrške i stručnog tretmana, učesnici su imali edukaciju na temu kako prepoznati dijete sa teškoćama u ponašanju i kako škola može djelovati na ponašanje djece sa oslabljenim funkcionisanjem. Predavač je bio šef Odjela Opće psihijatrije KCUS i predsjednik Udruženja građana „Momentum“, mr. sc. dr. Alem Ćesir, spec. psihijatar, KB psihoterapeut.

VOLONTIRANJE JE COOL



Galerija volonterizma održana je 5. 12. 2022. godine u organizaciji Centra za razvoj omladinskog aktivizma CROA u partnerstvu sa Ministarstvom za obrazovanje, nauku i mlade Kantona Sarajevo. Ovom manifestacijom je obilježen Međunarodni dan volontera. Učenici OŠ "Aleksa Šantić", aktivni članovi volonterske grupe Volontiranje je cool, prezentirali su svoj volonterski rad i angažman.

POSJETA HIDROMETEOROLOŠKOM ZAVODU BiH

Učenici VI-4 i VI-6 razreda su 6. 12. 2022. god. u pratnji nastavnice Selme Pita posjetili Federalni hidrometeorološki zavod. Radoznali šestaci imali su mnogo pitanja za radnike Zavoda. Domaćini su sa oduševljenjem odgovarali i pokazivali sve što im je bilo dostupno. Najviše pažnje im je privukla izrada prognoze vremena.

Završna konferencija "Misli o prirodi"

Predstavnici OŠ "Aleksa Šantić" su 13. 12. 2022. godine prisustvovali godišnjoj konferenciji „Misli o prirodi!“ kojom se obilježilo 36 mjeseci rada na projektu. OŠ „Aleksa Šantić“ bila je dio projekta „Misli o prirodi!“ kroz učešće u programu Ekoškola. Sabina Karović, ekokoordinator, predstavila je realizirane aktivnosti u OŠ „Aleksa Šantić“ tokom trajanja Certifikacijskog mehanizma Ekoškola u Bosni i Hercegovini. Predstavnici OŠ „Aleksa Šantić“ su 13.12.2022. godine prisustvovali godišnjoj konferenciji „Misli o prirodi!“ kojom se obilježilo 36 mjeseci rada na projektu. OŠ „Aleksa Šantić“ bila je dio projekta „Misli o prirodi!“ kroz učešće u programu Ekoškola. Sabina Karović, eko koordinator, predstavila je realizirane aktivnosti u OŠ „Aleksa Šantić“ tokom trajanja Certifikacijskog mehanizma Ekoškola u Bosni i Hercegovini.



HOUR OF CODE - SAT KODIRANJA

Sat kodiranja ili Hour of Code je globalna edukativna akcija američke neprofitne organizacije CODE.ORG namijenjena sticanju prvih programerskih iskustava, pokrenuta sa ciljem demistifikacije informatike i programiranja i motivacije učenika da razmotre karijeru u programiranju i IT sektoru. I ove godine učenici OŠ "Aleksa Šantić" su se uključili u međunarodni Sat kodiranja.



Alijev kutak



U znak sjećanja na tragično preminulog našeg učenika Alija Bečića, u školskom dvorištu naše škole je npravljen „Alijev kutak“ u saradnji i uz pomoć Općine Novi Grad i KJKP „Park“. Učenici VII-1, Alijevi drugovi iz razreda, zajedno sa direktoricom i razrednicom posadili su drvo trešnje želeći i na taj način sačuvati sjećanje na našeg plavookog dječaka.

Dan sjećanja na našeg Alija Bečića

U petak, 9. 12. 2022. godine obilježava se godina dana otkad nas je tragično napustio naš dragi plavooki dječak Ali Bečić. Povodom Dana sjećanja organizovan je Prvi memorijalni turnir u odbojci "Ali Bečić" na kojem su učestvovali njegovi vršnjaci, učenici VII razreda. Nakon što je završen turnir, održan je u Alijevom kutku čas sjećanja na našeg Alija. Času su prisustvovali učenici, roditelji, uposlenici škole, predsjedavajući OV Općine Novi Grad Mirza Selimbegović i predstavnici Mjesne zajednice "Saraj-Polje". Prisutnima se obratila direktorica Amina Delić-Zimić, majka našeg Alija i učenici iz njegovog razreda koji su sa prisutnima podijelili lijepa sjećanja, te tugu i bol koju nose u svojim srcima.



UČENICI OŠ „ALEKSA ŠANTIĆ“ POBJEDNICI NA MEDUNARODNOM TAKMIČENJU DANUBE ART MASTER

Most Liked Artwork (Facebook Competition)

Lonely Swan by children from Basic school of Alekса Santic - Bosnia & Herzegovina




Članovi Ekološke sekcije OŠ „Alekса Šantić“ su predstavljali Bosnu i Hercegovinu na međunarodnom ekološkom umjetničkom takmičenju Danube Art Master 2022 i u dvije kategorije osvojili prvo mjesto. Od ukupno šezdeset i jednog rada u tri različite kategorije umjetnički rad, video i karta, učenici su prema ocjenama Međunarodne komisije za zaštitu rijeke Dunav (ICPDR) osvojili prvo mjesto u kategoriji video „STOP izgradnji mini hidroelektrana!“. Glasanje je omogućeno i preko facebook stranice Danube Art Master i na osnovu online glasova umjetnički rad „Usamljeni labud“ je osvojio prvo mjesto.

OBILJEŽENI DAN NEZAVISNOSTI BiH I DAN MZ „SARAJ- POLJE“

Historijskim časom i polaganjem cvijeća na spomen-obilježju šehidima i poginulim braniteljima Bosne i Hercegovine u dvorištu OŠ „Alekса Šantić“ obilježeni su Dan nezavisnosti BiH i Dan Mjesne zajednice „Saraj-Polje“. U multimedijalnoj sali škole upriličen je prigodan program. Tom prilikom su učenici i direktorica škole Amina Delić-Zimić svojim obraćanjem uputili jasnu poruku o važnosti obilježavanja ovog značajnog datuma.



ZAVRŠNA CEREMONIJA DANUBE ART MASTER 2022



POBJEDNICE TAKMIČENJA DAM 2022 U POSJETI MINISTARSTVU VANJSKE TRGOVINE I EKONOMSKIH ODNOŠA BiH

Učenice Henu Ahmetspahić i Hanu Hasanić ugostio je pomoćnik ministra vanjske trgovine i ekonomskih odnosa BiH, Sektor za vodne resurse, turizam i zaštitu okoline, Mirza Hujic. Učenice OŠ „Alekса Šantić“ su međunarodne pobjednice takmičenja Danube Art Master 2022, te im je tim povodom gospodin Mirza Hujic uručio diplome.



DAN RUŽIČASTIH MAJICA

Međunarodni dan borbe protiv vršnjačkog nasilja u školama "Dan ružičastih majica" obilježava se posljednje srijede u mjesecu februaru. Danas je u našoj školi bilo veoma veselo i ružičasto, jer su svi učenici škole kroz različite aktivnosti obilježili ovaj značajan datum. Učenici su sa svojim razrednicima kroz časove OZ-e kreirali poruke o prevenciji vršnjačkog nasilja. Članovi Vijeća učenika i njihovi zamjenici su na radionici koju su organizirale članice Stručne službe škole i pomoćnica direktorice ispisale poruke na balonima. Završna aktivnost realizovala se u školskom dvorištu, gdje su učenici pustili balone. Naša današnja poruka je "Želimo škole u kojima se svako dijete osjeća sigurno, sretno i zadovoljno".



Međunarodni dan maternjeg jezika

Međunarodni dan maternjeg jezika obilježava se 21. februara s ciljem isticanja važnosti učenja, unapređivanja i razvoja maternjeg jezika, značaja prava na izučavanje i obrazovanje na maternjem jeziku, te njegovanja jezičke i kulturne različitosti i višejezičnosti. U našoj školi ovaj datum se tradicionalno obilježava. Učenici su zajedno sa svojim nastavnicima realizirali više uporednih aktivnosti. Članovi Novinarske i Bibliotekarske sekcije su izradom plakata ukazale na značaj samog maternjeg jezika i njegovog učenja i čuvanja. Na časovima bosanskog jezika u VII razredu razgovaralo se na temu Kako i zašto čuvam svoj maternji jezik?, a na času dodatne nastave učenici Farah Feriz, Amar Sućeska, Ali Ramić i Ali Kovačević pisali su literarne radevine posvećene ovom značajnom datumu. U školi je upriličena izložba učeničkih radevine nacrtanih i napisanih povodom obilježavanja Međunarodnog dana maternjeg jezika.



SID2023 "ZAJEDNO ZA BOLJI INTERNET"

Dan sigurnijeg interneta 2023. godine, pod sloganom „Zajedno za bolji internet“, obilježen je i u našoj školi. Na časovima informatike i odjeljenske zajednice učenici su razgovarali o problemima i izazovima sa kojima se suočavaju na Internetu, a mogli su i saznati kako najbolje da se zaštite od svih oblika ONLINE uznevimiravanja. Na svoj način obilježili su i oni najmlađi, učenici od I do IV razreda, koji su rješavali kvizove, pisali poruke i crtali na ovu temu.



ZIMSKO PLANINARENJE UČENIKA NAŠE ŠKOLE

U subotu, 11. 02. 2023. godine 35 mladih planinara OŠ "Aleksa Šantić" prvi put je učestvovalo u zimskom planinarenju na planini Igman. Cilj ovog druženja je da boravkom i šetnjom u prirodi obilježimo 15. februar, Međunarodni dan djece oboljele i liječene od karcinoma i pružimo podršku oboljeloj djeci sa porukom da mladi trebaju preventivno čuvati zdravlje, a jedan od načina je da se više okrenu odlascima u prirodu.



TERENSKA NASTAVA

U okviru realizacije nastavne teme "Kulturni, historijski i vjerski objekti u Sarajevu", učenici V-2 razreda su istražili, naučili, posjetili i upoznali drugare sa sljedećim objektima u našem gradu: Mejdanu, Bakr-babinoj džamiji, Aškenaškoj sinagogi, Narodnom pozorištu u Sarajevu, katedrali Srca Isusova, Svrzinoj kući, Univerzitetu u Sarajevu, Despića kući, Gazi Husrev-begovoј džamiji, Baščarsijskoj džamiji, Sarajevskom sebilju, Gradskoj vijećnici, Bijeloj i Žutoj tabiji, Inat kući, Carevoj džamiji, Latinskoj čupriji i Zemaljskom muzeju. U obilazak znamenitosti grada učenici su išli u pratnji razrednika Bege Muminović i asistenta u nastavi Kenana Musića.



MALI I VELIKI KREATIVCI

DOLAZAK JESENİ

Kapljice vode na zlatnom listu,
hladni vjetar grane ljlja,
jesen odnese i zadnju lastu,
a večeri pune oluja.

Sa rijeke odletješe i zadnje rode,
Sunce se ne vidi više,
jezera za kupanje, zamjeniše hladne vode,
Sunce glasno oblaku viće:
“Hajde, oblače! Skloni se više!”

Zlatna boja zavlada ulicama,
cvrkut ptica, ne čuje se više,
svaki dan, ispunjen je kišama,
dječija graja, ne postoji više.

Tužno je čuti tu tišinu,
šuštanje lišća, jedino se čuje,
sve laste s drveća odoše
a gavran krešti kao da se truje.

Djeca svoje torbe pakuju,
testovi, vrijeme je da se rade,
na tjelesnom lijepo da se utrkuju,
a na izletima da se zabave.

Jesen je došla sa zlatnim lišćem,
sive oblake po nebnu je prostrala,
veliki pozdrav šarenim cvjetovima,
jesen je u naše krajeve došla.

Amina Avdić, V-1

MOJA DOMOVINA

Moja domovina ima takvu ljepotu,
Oko gleda pa se čudi.
Jer ni jedan kraj nema takvu divotu,
A pjev slavu Bosnu budi.

Danas je našoj zemlji rođendan
Ova pjesma je moj dar.
Molim te budi uvijek
Ovako lijepa i ponosna.
Voljela bih da ovaj dan bude poseban
I da ima tu čar.
Naša domovina ostani zauvijek,
A ja ču biti tebi odana.

Asia Kovačević VI-3

Pismenost je znanost čista

Davno nekad pero staro
mastilom je pisat' znalo.
Prvo slova, zatim priče,
knjige što na sbove liče.

I napisu pisma mnoga...
Slatke tajne, naređenja stroga...
Učilo je ljudi tako,
da je pisat' stvarno lahko.

Pisalo je pero, neumorno dugo,
a danas ga zamjenjuje nešto drugo.
Olovka sad priče piše,
za pismenost ona diše.

Misija je njima ista:
„Pismenost je znanost čista!“
jer sve što je zapisano
od zaborava je sačuvano.

Arijana Hodžić, VII-5

KAKO POSTATI PISMEN

Ponavljanje je majka znanja,
od malena govorila mi mama.

Čitaj, sine, svakog dana,
samo tako ćeš postati riznica znanja.

Um caruje, snaga klade valja;
zapamti, sine, ponavlja mi mama.

Pitati kad ne znaš nije sramota,
pamti to do kraja života.

Ulaži u znanje,
to je istinsko bogatstvo.
Samo tako ćeš našu Bosnu
pretvoriti u najljepše carstvo.

Rijad Kazić, VII-4

MOJA DOMOVINA

Moj najljepši osmijeh
Oduvijek u mom srcu
Jedna i jedina
Avlja naša lijepa

Divna i slobodna
Od svakog te čuvamo
Majkom te zovemo
Otadžbino,
Volimo te
I u srcu
Našem te nosimo,
A nikom, baš nikom te ne
damo!

Mak Hodžić, VI-3

VOLJETI SVOJU DOMOVINU JE SASVIM PRIRODNA STVAR

Od rođenja, naš je dom,
Lijepa, čista i mirisna,
Njeno srce,
Nek' ne doživi slom!

Čuva nas od svakog zla,
Puna je cvjetnog tla,
Srce joj je veliko i draga,
To je njeno blago.

Nek' je susjedi cijene,
Njena svjetlost,
Za druge pravi sjene,
Ona i njena plemenitost.

Domovina naš je dom,
Nek' nikad ne doživi slom,
Možda je mala Bosna,
Ali je lijepa kao iz sna.

Bosno moja mila,
Uvijek si lijepa bila!
Glagolom voljeti ispunjena je moja
duša
Voljeti Te sasvim je priroda stvar
I moje će srce uvijek da Te sluša.

Amina Avdić, V-1

Maternji jezik

Jezika je u svijetu veliki broj,
ali je samo jedan maternji jezik moj.
Sad učim strana jezika tri,
ali mi ni jedan nije bitan kao maternji.

Prve riječi me mati naučila,
glagolima učiteljica podučila.
Imenica, priloga i glagola veliki je broj,
stilskim figurama bogat je jezik moj.

Kad čitam knjige na jeziku mom,
svaki put obogatim vokabular svoj.
Svaka osoba voli jezik svoj,
kao i ja bosanski, jer je on jezik moj.

Ali Kovačević, VII-2

Veliko slovo

Lutalo veliko slovo samo.
Dugo je išlo tamo i ovamo.
Tražilo mjesto u svijetu sebi,
pogrešan dom da našlo ne bi.

U prirodu dođe, al' nema sreće;
pitalo ptice, oblake, cvijeće,
nijedna ga riječ do sebe neće.

Već kad je počelo gubiti nadu,
sjeti se da možda treba u gradu.
Kad tamo grad zagrli ga jako,
na pravom mjestu ostade tako.

Imena svoja, ljudi su htjeli
veliko početno slovo da razveseli.
Planini i rijeci postade draga;
veliko slovo pravo je blago.

Arijana Hodžić, VII-5

BOSNA I HERCEGOVINA

Bosna, zemlja pradnjedova mojih! Svi je volimo, a sva je svoja,
Ona je ponos naš, čuvam je u srcu kao da je samo moja.
Snovima svojim gradim budućnost i vidim ptice kako lete,
Nedaleko od mojih snova – planine, šume, rijeke – sve što poželi dijete.
Ah, Neretvo moja, prostranstvom zelenim lice mi miješ,

I Igman tamo, Olimpijska ljepota, zimzelenom šumom svoje kraljevstvo
kriješ.

Hajmo Bosno, čuje se pjesma, dok zastava viori u zraku,
Eno gledam Vijećnicu, osvijetlila grb, pa blista i u mraku.
Ranom zorom miris pogače me nježno budi,

Carstvo cijelo, svih mirisnih jela, srdačno svaka kući nudi.
Evo čujem ezan i gledam kandilje kako sa džamije obasjavaju pute,

Gore, na sokacima, prostire se miris dunje žute.
Ovo je moja zemlja, tlo satkano u čilim od svile,
Volim je kao i pjesnik, koji je poredi sa ljepotom gorske vile.

I na kraju, ostaje da je čuvam kao kap vode na dlanu,
Na meni je budućnost njena, pa hitro idem ka novom danu.
A, Vama želim da otvorite srce za zemlju velikih HEROJA i zajedno sa
mnom izgovorite:

“SRETAN TI ROĐENDAN, DOMOVINO MOJA!”

Arbreša Voša, V-7

AMANET

Kad me majka iz bešike diže,
Pride meni deda uhu bliže,
Amanet ti dajem, čedo moje,

Ne daj nikom ono što je tvoje,
Komad zemlje ne prodaj do groba,
Djedovina, amanet za roba,

I amanet, moje djete milo
čuvaj jezik ma kako ti bilo,
kosti nema, ali kosti lomi,
al' svaka se zvjer pripitomi.

Njeguj jezik i čuvaj ga, sine,
to je duša tvoje domovine.

Ali Ramić, VII-4

VOLJETI SVOJU DOMOVINU JE SASVIM PRIRODNA STVAR

Njeno veličanstvo - domovina
Bosna,
Zemlja je kraljeva, zemlja ponosna.
Prema svakom prijateljska,
Svakom gostu vrlo draga,
Puna prirodnog je blaga.

Njen su ukras rijeke i planine,
Zelene šume i široke doline.
U njoj dobrih ljudi ima,
I nek ima za inat svima.
Ne vole je možda mnogi,
Al' prkosno ipak stoji.

Domovina i ja danas smo u slobodi,
U svom sevdahu kao riba u vodi.
U mojoj Bosni sunce jače grije,
U grudima srce sve jače bije
dok se plavo-žuta zastava vije.

Domovina i ja, najjači smo par,
Voljeti nju, prirodna je stvar.

Hamid Begić, VI-4